

MAGNIFICO ET NOBILI VIRO, D.

VIGVLEOHVNDIO, I. V. D. CLARISS: ET ILLVSTRISS: POTENTISSIMIq;

Principis ALBERTI, Comitis Palatini Rheni, ac vtriusq; Bauariæ Ducis etc. Consiliario
meritissimo, Domino ac Patrono suo plurimum colendo.



Votiescunq; mecum expendo, Magnifice Domine Consiliarie, rationes eorum, qui FF. sanctam maiestatem eleuare conantur, reperio quod illi ceteris ualidiore ariete murum pulsauisse uideri uolūt, qui avivoꝝ seu LL. contrarietates urgent: quorum nonnulli haud aliter quam hoedi petulci, uel tauri fœnum gestantes in cornu, etiam illos petunt, quorum uel solo nominum splendore cohiberi debebant. Placabiliores uero sunt, qui Triboniano & alijs ob id detrahunt, quod LL. confusæ, accisæ, & infandum in modum mutilatæ, nihilq; minus quam digestæ, uel in iustū ordinem adductæ uidentur: Postea enim quam doctissimorum hominū industria proditum est, unde tanta LL. confusio appareat, ut quod nonnunquam refertur in fine alicuius tituli, hoc principio magis conuenire uideatur, & contra, non possunt diffiteri, per esse temerarium, admouere manus operi tantorum artificum. Et quibus legum sanctionumq; multitudo improbat, non grauete porrigent herbam, (credo) si decursionem, & humanæ naturæ uarietatem penitus introspexerint, quam paulatim curatione indigentem, non aliter sanitati restitui posse depræhendent, nisi etiam corriganter quæ particulariter ei resistunt: quorum uarietas & multitudo, quid quæso potuit aliud, quam tot sanctionum x̄iaꝝ parere & cum certum sit, hoc iura præstare negocij, quod medicamenta morbis. Conatus aut illorum, qui leges crepani usque adeo aliquando inter se pugnare, ut eas non citius, quam contradictoria duo conciliari posse, insolenter iactent, quandoquidem non melius eludi potest, quam si singulis, quæ prima fronte pugnantia uidebantur, studiose ad trutinam non popularem quandam examinemus (quod nunquam ferè diligentius fieri solet quam in scholasticis concertationibus) credidi me facturum opere preçum, si ex materia L:Cor:d:Si car: aliquot conclusiones Doctiss: Iuris studiosis, discutiendas proponerem, atq; ita quasi exemplo demonstrarem, quam non uulgaris eorum sit uanitas, qui hanc ob causam de manibus eorum qui FF. compilauerunt, tam grauiter conqueruntur. At quoniam uereor Magnifice Domine Consiliarie, ne fortasse querulos huiusmodi parum æquos experiar, Idcirco subiectas conclusiones V.M. (cuius patrocinio non solum huiusmodi Iuris exercitia, sed & cætera totius uniuersitatis studia uigent) inscripsi, quarum tutelam ac patrocinium ut V.M. suscipere dignetur, flagrantissime ac reuerenter cupio. Vale. Ingolstadtij tertio Kal: Nouemb: Anno 1567.

V.M. semper addictis:

Iohannes Richardus ab Ols.

Divino implorato auxilio, Annuentibus clariss: & excellentiss: uiris, Decano, cæterisq; facultatis iuridicæ Professoribus consultis: Præside Raphaële Ninguarda, I. V. D. ac Institutionum Professore ordinario, subsequentes Conclusiones defendere conabutur I. R. O. Belga.

DISPUTATIO LEGIS COR: DE SICARIIS.

I.

- Q**uandoquidem disputatio presens de omnisspecie homicidij futura est, putamus quoq; disputatione dignum esse: An homicidium sit crimen adulterio grauius, an uero contra, Nos homicidium grauius esse defendemus.
2. Definimus autem HOMICIDIVM. Cædem hominis ab homine perpetrata.
 3. Atq; illud in species sex, Legitimum scilicet, Casuale, Culposum, Voluntarium simplex, Delictum, & Proditorium, recte diuidi posse arbitramur.
 4. Est autem LEGITIMUM Cædes hominis, iubente uel permittente lege perpetrata.
 5. Idq; nullam poenam mereri, recte constitutum est.
 6. Quis enim uel publ: vindictæ executorem, uel alium qui surem nocturnum, cui parcere sine suo periculo non potuit, uel diurnum qui se telo defendit, uel maritum qui de nocte uilem adulterum depræhensum, occidit, punibilem esse dixerit?
 7. Vel quis patrem damnabit, qui filiam suam cum adultero, in ipsa turpitudine, domi sue uel generi, depræhensam occidit?
 8. Quis eum qui hostem publicum ciuitatis, uel uirtute statuti bannitum, uel (cum alia ratione salutem suam commode tueri non posset) aggressorem suum occidit, non excusat?
 9. Pari ratione, quis dixerit pudicitie sue attentatorem occidere, non esse permissum?
 10. Imo & eum, qui in ludo, seu aliquo certaminis genere, à certæ ciuitatis, uel Reipublicæ consuetudine recepto, homicidium fecit, nulla poena teneri affirmamus.
 11. Illius uero, qui in duello sive monomachia hominem coedit, alia ratio est: licet enim prava consuetudo ipsum ferat, merito tamen omni iure exofus est. (cum negamus).
 12. Caterum quod supra de marito adulterii occidente diximus, id in concubinario habere locum.
 13. CASUAL E homicidium illud est, quod casu perpetratur, neq; uoluntate, neq; etiam culpa (interueniente).
 14. Quamobrem etiam hoc puniri non debere, afferimus.
 15. Hinc insuitem, dormientem, & furiosum excusamus.
 16. Ebrium tamen credimus (licet furioso equiparari soleat) non omnino impuniti esse debere.
 17. CVLPOSVM id esse dicimus, quod non uoluntate, sed culpa coningit.
 18. Eiusq; due sunt species. Una scilicet, cum quis dans operam rei licet casu aliquo hominem coedit, culpa casum præcedente.
 19. Altera uero cum dans operam rei illicitæ, casu hominem coedit.
 20. E quibus illum leuius puniri, hunc uero grauius, non est iniquum.
 21. Atq; ita iudicem, qui per imperitiam, quem non debuerat, morti adiudicavit: extra ordinem puniendum esse putamus.
 22. Sin autem dolose gratia scilicet, uel pecunia corruptus, id fecerit, confiscatis bonis omnibus in exilium esse mittendum.
 23. Pariter adolescentem, qui socium, quo cum gladio ludebat ancipiuit, licet preter intentionem occidit: aliquo modo puniendum esse defendemus.
 24. An autem Nobilis qui mandauit Rusticum fustibus coedi, si Rusticus (quia mandatarij modum excesserunt, uel quia imbecillior fuit, quam ut uerbera sustinere potuerit) ex uita excepit, L. Cor: teneatur, disputatione solet: nos illum non teneri, uerius de iure arbitramur.
 25. VOLUNTARIUM SIMPLEX (seu PVRVM ut alias uocant) est, quod a prouocato perpetratur, uoluntarii quidem, sed nullo tractatu præcedente.

26. Atq; illud arbitrio iudicis non tamen morte puniendum esse affirmamus.
27. Vnde L. Cor: eum non teneri arbitramur, qui alterum occidit, a quo sibi conuictum dicebatur.
28. An uero qui capitalem inimicum suum occidit, licet leuiter prouocatus id fecerit, L. Cor: teneatur? quæsto est lubrica, Nos eum iuxta L. Cor: puniendum esse iudicamus.
29. Et eum qui summa egestate laborans, uiatorem occidit, ut ipsum pecunia exuat, (licet causa uideatur magna) non tamen excusari afferimus.
30. DOLOSVM est quod fit cum intentione & proposito hominis necandi.
31. Idq; ordinaria L. Cor: poena uindicatur.
32. Nam si persona uilis fuerit, morte: si uero Nobilis deportatione punitur.
33. Dolus autem ipse ex multis quidem, precipue tamen his signis colligi potest, Inimicitia scilicet præcedente, improbitate personæ seu consuetudine delinquendi, qualitate armorum, & loco uulneris.
34. Antamen locus uulneris, magis quam armorum qualitas attendi debeat, interdum queritur, Idq; si nobis contigerit, sub dismissione respondebimus.
35. PRODITORVM est cædes hominis nihil tale suspicantis, contra fidem datum, per insidias perpetrata.
36. Idq; grauius quam dolosum puniri, explorati iuris est.
37. Dicimus quoq; proditores LL. adeò inuisos esse, ut nullo iuris beneficio gaudent.
38. Adeò ut ab Ecclesia, si eo confugerint, extrahiri possint.
39. Et quod amplius est, licet defensio nulli sit deneganda, (sed rei excusatio in iudicio audienda) tamen si de proditione constiterit, nullam proditori defensionem concedi debere putamus.
40. Pariter, quamvis Nobilis regulariter furca non puniatur, si tamen proditor fuerit, iure ipsum suspendi posse arbitramur.

IMPERTINENTES CONCLUSIONS.

1. Domini, non tantum in rebus corporeis, sed etiam incorporalibus, uerè ac propriè, locum habere, contra receptam DD. sententiam defendemus.
2. Viduam propter stuprum, dote priuari non debere, uerius esse de iure, sustinebimus.
3. Raptorem etiam furti manifesti actione teneri, planum faciemus.
4. Promissionem factam præsentis & tacenti, pactum non esse ostendemus.

Disputabuntur hæ Theses, (fauente Deo) proxima die Louis, quæ erit sexta Nouembris, hora media octauæ, in Scholis Canonistarum.

IMPERFECTNES CONCERNES.